



Prishtinë, 28 shkurt 2019
Kodi i ZRRE-së: V_1108_2019

Bordi i Zyrës së Rregullatorit për Energji

Duke u bazuar në:

- Nenin 9 paragrafi 1 nënparagrafi 1.7, nenin 15 paragrafi 1 nënparagrafi 1.15, nenin 25, neni 26 paragrafi 1 nënparagrafi 1.2 dhe nenin 43 paragrafi 1 të Ligjit për Rregullatorin e Energjisë (Nr. 05/L-084),
- Nenin 16 paragrafin 4 të Rregullës për Procedurën e Autorizimit për Ndërtimin e Kapaciteteve të reja,
- Vendimin për lëshimin e Autorizimit Final V_88o_2017 të datës 18 janar 2017 për shoqërinë "2 Korriku" SH.P.K. për ndërtimin e kapaciteteve gjeneruese për prodhimin e energjisë elektrike nga Hidrocentrali HC Soponica, ZK Doganaj, me kapacitet të instaluar prej 1.3 MW, komuna e Kaçanikut, dhe
- Kërkesën për shtyrjen e afatit të vlefshmërisë së Vendimit për Autorizimin Final V_88o_2017 të datës 18 janar 2017 për ndërtimin e kapaciteteve gjeneruese për prodhimin e energjisë elektrike nga Hidrocentrali HC Soponica, ZK Doganaj, me kapacitet të instaluar prej 1.3 MW, komuna e Kaçanikut, të datës 15.01.2019 nr. prot. 342/19 të shoqërisë "2 Korriku" SH.P.K. me adresë: fshati "Soponicë" , 71000 Kaçanik, Republika e Kosovës,

në seancën e mbajtur me datë 28 shkurt 2019 nxori këtë:

V E N D I M

- I. **APROVOHET** kërkesa e shoqërisë "2 Korriku" SH.P.K., dhe **SHTYHET** afati i vlefshmërisë së Autorizimit FINAL V_88o_2017 të datës 18 janar 2017 për vazhdimin e ndërtimit të kapaciteteve gjeneruese për prodhimin e energjisë elektrike nga Hidrocentrali HC Soponica, ZK Doganaj, me kapacitet të instaluar prej 1.3 MW, komuna e Kaçanikut, edhe për një (1) vit, gjegjësisht deri me **18 janar 2020 për ndërtimin e Hidrocentralit.**

A r s y e t i m

- o ZRRE me datë 11.11.2014 nga shoqëria "2 Korriku" SH.P.K., ka pranuar aplikacionin për marrjen e autorizimit për ndërtimin e kapaciteteve gjeneruese nga Hidrocentrali HC Soponica, ZK Doganaj, me kapacitet të instaluar prej 1.3 MW, komuna e Kaçanikut, Republika e Kosovës.
- o Bordi i ZRRE-së, pas konstatimit se aplikuesi ka dëshmuar përshtatshmërinë e tij për ndërtimin e kapaciteteve të reja gjeneruese nga Hidrocentrali, me datë 28 janar 2016 ka lëshuar Vendimin mbi Njoftimin për Autorizimin Preliminar Nr. V_766_2016 dhe ka udhëzuar aplikuesin që t'i plotësoj kërkesat tjera ligjore që kërkohen me legjislacionin në fuqi në Kosovë.



- ZRRE me datë 11.01.2017 nga shoqëria “2 Korriku” SH.P.K., ka pranuar kërkesën për shndërrimin e Vendimit mbi Njoftimin për Autorizimin Preliminar në Autorizim FINAL për ndërtimin e kapaciteteve të reja gjeneruese për prodhim të energjisë elektrike nga Hidrocentrali HC Soponica, ZK Doganaj, me kapacitet të instaluar prej 1.3 MW, komuna e Kaçanikut, duke i bashkangjitur dëshmitë e lëshuara nga autoritetet relevante për përmbushjen e të gjitha kërkesave mjedisore dhe ujore, të drejtën mbi shfrytëzimin e tokës, Lejen Ndërtimore të lëshuar nga komuna dhe kërkesat e tjera ligjore që lidhen me natyrën e projektit sipas legjislacionit në fuqi.
- Bordi i ZRRE-së, me datë 18 janar 2017 ka lëshuar Vendimin për Autorizimin Final V_880_2017 shoqërisë “2 Korriku” SH.P.K., për ndërtimin e kapaciteteve të reja gjenerues për prodhimin e energjisë elektrike nga Hidrocentrali HC Soponica, ZK Doganaj, me kapacitet të instaluar prej 1.3 MW, komuna e Kaçanikut.
- ZRRE me datë, 15.01.2019 nga shoqëria “2 Korriku” SH.P.K., ka pranuar kërkesën për vazhdimin e afatit të vlefshmërisë së Vendimin për Autorizimin FINAL V_880_2017 të datës 18 janar 2017, për vazhdimin e ndërtimit të kapaciteteve të reja gjeneruese nga Hidrocentrali HC Soponica, ZK Soponicë me kapacitet të instaluar prej 1.3 MW, **edhe për një (1) vit, gjeigjësisht deri me 18 janar 2020 për finalizimin e projektit.**
- Shoqëria “2 Korriku” SH.P.K., në kërkesën e saj ka theksuar se: që nga data e pranimin të vendimit për Autorizim final të Bordit të ZRRE-së, kanë filluar përgatitjet për fillimin e punimeve në ndërtimin e Hidrocentralit HC Soponica, duke filluar me hapja e rrugës, traseja e tubacionit dhe ndërtesa e hidrocentralit.
- Shoqëria “2 Korriku” SH.P.K., në kërkesën e saj po ashtu ka sqaruar se, janë duke punuar intesivisht në teren edhe përkundër vështirësive në realizimin e projektit HC Soponica, ku deri më tani punët civile janë përfunduar, punimet në hapjen e trasesë së tubacionit janë vendosur/montuar më shumë se 2 km tubacion, është duke u finalizuar vepra e marrjes, i kanë porositur turbinat s’bashku me pjesët përcjellëse teknike dhe teknologjike, ku nga këto mund të sigurojnë se deri më tani janë përfunduar më shumë se 80 % të punimeve.
- Shoqëria “2 Korriku” SH.P.K., ka sqaruar se vonesat janë shkaktuar kryesisht për shkak të pronave private dhe shpronësimi i tyre ka qenë element faktik për vonesë të vazhdimin të punimeve, poashtu edhe kushtet atmosferike kanë bërë të pamundur punimet nga fillimi i vitit 2018 deri në korrik-gusht për shkak se, reshjet e dendura kanë bërë ngritjen e sasisë së ujit duke pamundësuar punimet në terren. Projekti gjatë vitit 2018 është dashur të revidohet nga kompania Feroinvest, ku janë dashur më shumë se dy muaj për revidim për të bërë të mundur përballimin e ujërave 100 vjeçare që lumi Lepenc mund të ketë vërshime, e që poashtu kjo ka ndikuar në vonesën e përfundimit të projektit në kohë.
- Andaj, bazuar në të gjitha ato që u paraqitën më lartë, shoqëria “2 Korriku” SH.P.K., ka kërkuar nga Bordi i ZRRE-së, që duke u mbështetur në dispozitat ligjore të Nenit 16 të Rregullës për procedurën e autorizimit për ndërtimin e kapaciteteve të reja gjeneruese, t’iu lejohet shtyrja e afatit të vlefshmërisë së Autorizimit FINAL V_880_2017 të datës 18 janar 2017, për vazhdimin e



ndërtimit të kapaciteteve të reja gjeneruese nga hidrocentrali HC Soponica edhe për një (1) vit dhe brenda këtij afati do të bëjnë të gjitha përpjekjet për të finalizuar projektin.

- o Bordi i ZRRE-së, pas analizimit të kërkesës së shoqërisë "2 Korriku"SH.P.K., dhe dëshmime të bashkangjitura për shtyrje të afatit të vlefshmërisë të Autorizimit Final, për ndërtimin e kapaciteteve gjeneruese për prodhimin e energjisë elektrike nga Hidrocentrali HC Soponica, ZK Doganaj, me kapacitet të instaluar prej 1.3 MW, komuna e Kaçanikut, ka vlerësuar ato, dhe ka konsideruar se arsyeshmëria e kërkesës së aplikuesit është e bazuar, dhe duke u mbështetur në shkresat e lëndës, ku janë prezantuar fakte se brenda kësaj periudhe do të finalizohet projekti, ka vendosur që të lejohet shtyrja e afatit të vlefshmërisë së Autorizimit Final V_880_2017 i datës 18 janar 2017, edhe për një afat shtesë ligjor, duke u mbështetur në dispozitat ligjore të cekura në hyrje të këtij vendimi.
- II. Vendimi për lëshimin e Autorizim Final V_880_2017 i datës 18 janar 2017, do të vlen deri me datë **18 janar 2020**, sipas dispozitivin nën pikën I., të këtij vendimi, dhe në rast se nuk arrin të përfundoj ndërtimin e stabilimenteve të reja gjeneruese nga Uji, apo nuk vepron në pajtim me legjislacionin në fuqi, vendimi do të shfuqizohet.
- III. Vendimi nxirret dhe publikohet në gjuhët zyrtare në Republikën e Kosovës.
- IV. Vendimi hyn në fuqi në datën e miratimit nga Bordi, dhe do të publikohet në faqen elektronike zyrtare të ZRRE-së.

Këshillë juridike: Pala e pakënaqur me këtë Vendim mund të inicioj konflikt administrativ në Gjykatën Kompetente, brenda tridhjetë (30) ditëve nga data e pranimit të Vendimit ose data e publikimit të tij në faqen elektronike të ZRRE-së, cilado që ndodh e fundit.

Bordi i ZRRE-së:

Arsim Janova, u.d. Kryesues

Besim Sejfiqaj, anëtar

Selman Hoti, anëtar

Izet Rushiti, anëtar

Vendimi iu dërgohet:

- Palës,
- Komunës së Kaçanik,
- Sekretarit të Përgjithshëm të MMPH-së dhe
- Arkivit të ZRRE-së